

光緒十五年十二月二十日

陳邦咸
朱振華校

太子少保福建台灣巡撫一等男臣劉銘傳跪
奏為副將進山開路中伏陣亡懇

恩優卹以慰忠魂恭摺仰祈

聖鑒事竊據統帶宜蘭防勇營副將劉朝帶稟稱蘇澳花蓮港一
路前經提督羅大春於光緒初年開闢由海邊節節築卡前
進後因兵力不足遂復荒廢現在該處番社撫定稟請改由
山內逐漸開修直通花蓮港以免迂繞當經臣批飭酌度情
形相機辦理九月初五日據該軍管帶台勇營遊擊王廷楷
稟報劉朝帶於九月初一日督率弁勇五百名進山開路行抵
距蘇澳五十餘里之先立嶺將隊伍分扎兩處一在嶺東一

128
132

129
131

在嶺西該處離老狗番社尚有二十餘里蔓草荒山四無人
烟初二日劉朝帶分派隊伍兩路合修上嶺另派差員黃德
昌帶同通番婦人等廿餘人往前探路營官曾友成率領勇
夫一百五十名正在嶺西開路不虞黃德昌等甫過山領草
地忽有伏番無數槍如雨發黃德昌登時殞命等隨帶二十
餘人均未逃脫該兇番乘勢圍殺曾友成開路勇夫劉朝帶
身隨弁勇五十餘人由嶺頭踵至猝見兇番開槍接戰奈寡
不勝眾同營官曾友成暨所帶弁勇一併陣亡僅逃回勇夫
二十餘人馳報嶺東營官顧金魁及王廷楷相離較遠得信
已遲救援不及等情前來臣查番性嗜殺每至秋際八九月




人民同聲慨惜合無仰懇

天恩俯准照總兵陣亡之例從優議卹其餘陣亡之副將銜參將黃德昌都司管友成李勝鍾孫得勝守備滕國順守備銜千總陳嗣錦千總劉如意曾民立張雲祥把總任承恩劉學疆王維誠許海龍陳新華林漢卿丁元泰張立誠外委黃品芳張德紳王占魁勇丁通事共二百七十三名並懇

飭部分別從優議卹以慰忠魂出自愈格鴻施其救援不及之營官副將銜遊擊王廷楷副將顧金魁雖據稱得信已遲究屬救應不力應請旨一併革職留營効力以觀後效所副將進山關路中伏陣亡懇

聞名曰做享專於殺人該處相近祇有老狗社與加九岸等社昆連加九岸本有尋仇殺人之案正在勒緝兇者尚未報獲宜蘭各社竟敢伏路戕害官弁至二百餘人豺狼之性性惡不悛宜屬異常悖玩臣於得報後另委總兵滕國春接統嚴飭該處各營加意防禦以衛黎民確查出草兇番前係何社派軍嚴行剿辦以儆兇頑伏查副將劉朝帶賦性忠勇敢於任事連年入山剿番奪隘殲渠戰功卓著自統帶該軍駐防宜蘭該處向有匪類分結黨羽一曰西皮一曰福祿不時械鬪擾害閭閻劉朝帶到防以後疊次拏獲匪首多名兩黨斂跡深為地方受戴茲以督軍開路特勇深入中伏陣亡該縣



恩議卹各緣由理合會同閩浙總督臣卞寶第恭報具陳伏乞
皇上聖鑒訓示謹

奏

光緒十五年十月二十日奉

硃批另有旨欽此

131
135

132
136

國立故宮博物院
NATIONAL PALACE MUSEUM



光緒十五年十月二十日

一頁

劉登瀛
律振聲 校

劉銘傳片

再台灣自光緒十四年十二月以前所有勞積病故員弁經

臣隨時奏奉

恩卹在案查自十五年正月以後據各營陸續稟報已保提督記

名總兵石成玉已保副將補用恭將賈加才恭將陳錫常已

保恭將湖南補用恭將陶金魁守備高有陞千總吳廣發張

吉祥外委楊光鴻湖南步青劉駿生鄂守和已保藍翎把總外

委趙廣成此外委陳朝宗五品軍功陳丹桂湖南保梁清和已

保同知准補龍巖州溪口州同雷維斌同知銜知縣張振翹

已保開復同知銜知縣張紀南附生陳周集俱係勦撫生番

134
128

133
127

出力年久感受瘴癘在營積勞病故又據藩司詳報縣丞王

其達辦理清丈出力在差病故並請彙卹前來臣覆核無異

合無仰懇 天恩俯准飭部將石成玉等二十一員名分別從優議卹出自

逾格鴻施所有彙案請卹緣由理合附片具


奏伏乞

聖鑒訓示謹

奏

光緒十五年十月二十日奉

硃批著照所請該部知道欽此



光緒十五年十月二十日

一頁

劉登瀛校
律振聲

劉銘傳片

再據統帶棟字營道員林朝棟稟請該營文案委員已保從九品何湛福州府閩縣人隨軍日久歷在內山感受瘴癘於光緒十五年六月二十九日在營病故其妻林氏年二十六歲聞信奔至痛不欲生即日服毒殉夫畢命稟懇奏請分別旌卹前來且查已故從九品何湛在營積勞病故何林氏夫之殉節深堪嘉憫可否仰懇

天恩俯准飭部將已保從九品何湛從優議卹並將何林氏照例旌表以慰幽魂而光泉壤除飭取何湛履歷咨部外理合附片具陳伏乞

聖鑒訓示施行謹

奏

光緒十五年十月二十日奉

硃批著照所請該部知道欽此

136
130

135
129

